

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৪৮৬৪

বিলোনীয়া, ১৩ ফেব্রুয়ারি, ২০২৪

**৩৫তম জাতীয় সড়ক সুরক্ষা মাস**  
**বিলোনীয়ায় সচেতনতামূলক অনুষ্ঠান**

৩৫তম জাতীয় সড়ক সুরক্ষা মাসের কর্মসূচিতে আজ বিলোনীয়ায় এক সচেতনতামূলক অনুষ্ঠানের আয়োজন করা হয়। দক্ষিণ ত্রিপুরা জেলা পরিবহণ কার্যালয়ের উদ্যোগে বনকর নদীর উত্তর পাড়ে এই অনুষ্ঠানের আয়োজন করা হয়। অনুষ্ঠানে উপস্থিত ছিলেন বিলোনীয়া পুরপরিষদের চেয়ারপার্সন নিখিল চন্দ্র গোপ, মহকুমা পুলিশ আধিকারিক অভিজিৎ দাস, জেলা পরিবহণ আধিকারিক সৌমেন দেব, বিশিষ্ট সমাজসেবী গৌতম সরকার প্রমুখ। অতিথিগণ তাদের আলোচনায় সড়ক দুর্ঘটনার কারণ এবং সড়ক সুরক্ষার বিভিন্ন দিক তুলে ধরে সকলকে সচেতন হওয়ার এবং সতর্ক থাকার আহ্বান জানান। বিশেষত বাইক চালানোর সময় হেলমেট পরা, ভুল ওভারটেক না করা, যানবাহন চালানোর সময় মোবাইল ফোনে কথা না বলা, সিটবেল্ট পরা, গাড়ির গতি নিয়ন্ত্রণ করা ইত্যাদি বিষয়ের উপর গুরুত্ব আরোপ করেন। অনুষ্ঠানের শুরুতে উপস্থিত সকলকে সড়ক সুরক্ষার বিষয়ে শপথবাক্য পাঠ করানো হয়। অনুষ্ঠানে উন্মুক্ত ক্যাটজ প্রতিযোগিতায় বিজয়ীদের পুরস্কৃত করা হয়। তাছাড়া চারজন শ্রেষ্ঠ যানচালককে পুরস্কৃত করা হয় এবং তাদের হাতে শংসাপত্র তুলে দেওয়া হয়। ৩৫তম জাতীয় সড়ক সুরক্ষা মাস উদযাপনের অঙ্গ হিসেবে পূর্বে অনুষ্ঠিত বসে আঁকো প্রতিযোগিতায় বিজয়ী ৯ জনকে আজকের অনুষ্ঠানে পুরস্কৃত করা হয় এবং শংসাপত্র প্রদান করা হয়।

\*\*\*\*\*